

左文襄公全集

左文襄公奏稿卷十五

起同治四年乙丑八月訖九月

目錄

各軍分路進剿大勝見籌辦理情形摺

克復廣東鎮平縣城追剿大勝摺

提督鮑超所部仍請由該員自爲主持片

覆陳侍逆李世賢實爲汪逆所殺片

委署福建藩司及興泉永道篆務片

道員曾憲德請俟補缺後再行送部片

克復武康等城暨截剿出力員弁請獎摺

請賞浙臬楊昌濬布政使銜并三代二品封典片

奏稿卷一 五 目錄
洋將助剿出力懇 恩給予加銜翎頂片

疊次打仗陣亡傷故員弁請 卹摺

會派舟師在浙江洋面圍拏洋盜解辦情形片

追剿竄賊大捷見籌辦理情形摺

黃陂墟等處土匪搶奪官軍輜重軍火并戕害勇丁片

覆陳近日賊情懇 收回節制三省各軍成命摺

截剿獲勝見籌辦理情形摺

羅岡白水寨一帶土匪戕害官軍片

請將病故道員張恆祥從優議卹片

浙軍援江克復縣城出力員弁併案請 獎摺

閩省官運幫額不敷見飭疏銷籌補摺

勦辦上下府各屬土匪情形請將疎縱要犯之知州革職畱任摺

覆陳廣東軍務貽誤情形摺

請將訪查事件另行派員查辦摺

各軍患疫情情形片

訊明縣丞通賊當卽正法片

各軍分路進剿大勝見籌辦理情形摺

同治四年八月十五日
會福建巡撫徐宗幹銜

奏爲各軍分路進剿克獲大勝見籌辦理情形恭摺馳奏仰祈

聖鑒事竊康國器一軍進駐鎮平東南高思程官埠擊賊獲勝後
汪逆海洋伏匿鎮平不出時遣賊黨至分水坳一帶窺犯閩邊仍
希由武平以竄江西劉典所部副將張福齋總兵劉明燈簡桂林
等已抵武平進紮下壩嚴後路之防高連陞黃少春卽於七月二
十四五等日陸續進紮鎮平北路廣福鄉羅岡道員張恆祥分撥
三營與黃少春合紮高連陞等踰嶺下窺賊勢見賊於縣城東北
路亭下修築堅壘外開長濠守禦甚固嶺路屈折峻削不堪容趾
旁徑如梳并非戰地而形勢險要在所必爭八月初一日高連陞

飭親兵進紮分水坳中路魏光邴朱體盛兩營紮於坳之左張志公一營紮於坳之右自率各營列隊坳外伺之該逆初伏不出午刻突出數千乘我營壘未就拌死來撲副將曹光德等督隊馳擊斃賊甚多適黃少春率親兵馳至賊仍縮入卡內高連陞黃少春會商賊必猛撲新壘俟其逼近兩軍分左右縱擊乃可多殺卽就陣上指示所部將士令其屆時遵照布置相機應之初二日汪逆果親率悍黨數萬傾巢大出分三路直撲分水坳新壘高連陞飭魏光邴張志公朱體盛等堅壁不出靜以待之飭李士順率所部從右路錢桂仁率所部從左路曹光德率所部由中路迎擊高連陞自率親兵馬隊居中策應官軍奮威衝擊該逆不能抵禦紛紛

敗走正麾軍乘勢掩殺間汪逆又嗾大前大左副後各賊由左路
僞祐王李遠繼僞平東王何明亮僞奉王黃十四由右路翻山而
下勢極兇湧將抄出分水坳各營之後高連陞飭曹光德穩扼中
路抽親兵三哨及槍隊分助左右兩路飭魏光邴分隊助守朱體
盛營壘飭朱體盛督隊出壘迎擊甫戰十餘合朱體盛右臂忽被
槍子洞穿參將黃北海急率槍隊橫出夾擊魏光邴錢桂仁亦督
隊馳應賊不能支退上山巔時張恆祥所部副將李大有等亦正
從左路來援見賊退聚山巔李大有率各勇擊之立斃悍賊多名
其李士順在右路迎敵先已將賊擊敗旋因中路之賊漸趨右路
愈聚愈多李士順持矛衝入賊中身受三傷勢幾不支適黃少春

飭所部總兵劉端冕副將馬駿發高方吉遊擊謝復雲劉甫田已各率所部馳至黃少春復力疾督隊繼之各路如牆而進賊不能當祐逆李遠繼復偪諸賊回鬪劉甫田率親兵馳馬大呼陷陣左路忽出悍賊數十矛刺劉甫田戰馬立斃劉甫田奪矛衝殺劉端冕馬駿發謝復雲亦各下馬持矛與賊鏖戰擬保副將羅其泰擬保遊擊陳高華擬保都司唐有才周柱良副將譚同聲花翎守備盧起鳳羅得勝各挺矛刺殺數賊譚同聲盧起鳳身受重傷猶裹創血戰賊眾披靡奪路狂竄官軍追過山坡又爲高連陞各部所截賊攀崖越澗紛向城壘而竄汪逆見兩路之賊俱敗卽飛馬逃回鎮平曹光德率隊由中路追殺數里天晚始行收隊計是役轟

斃戮斃悍賊約三千餘名生擒百數十名內有僞天將等賊目十餘名賊之自相蹂藉墮崖落澗死者不下數千奪旂幟槍礮千餘件官軍受傷陣亡者亦百餘名其康國器一軍於七月三十日進攻鎮平城東南九曲岌腳石古排賊壘甫抵該處逆賊率黨來拒康熊飛吳光亮林本關鎮邦等督各勇奮擊斃賊目二名賊黨五六十名賊稍卻逆首胡瞎子率黨從九曲岌分三路來援康熊飛吳光亮林本關鎮邦督各軍分途迎敵又鏖戰逾時斃先鋒悍賊二十餘名斬馘十四級賊敗翻山而遁石古排之賊見援賊已敗不敢戀戰紛退入壘時熊應烈羅洪標湯彪督隊馳至合軍追擊斃賊無算奪旂幟軍械二百五十餘件追抵石古排賊壘濠邊始

行收隊是日僞天將張祥順周建榜及各賊目楊貴雲李吉寬盧東芳等見官軍進攻卽率黨千餘由峰口村小路乘間脫出赴高思康國器營乞降康國器受之分別挑畱遣散此各軍分路進剿獲勝之實在情形也竊汪逆海洋經官軍疊次剿敗勢本窮蹙急思覓路逃竄恐閩軍追躡其後不能善脫妄圖衝犯閩邊各壘由間道迅竄江西邊界是日擒斬各賊身邊皆帶有包裹乾糧是其徵也據康國器稟報接廣東藩司李福泰函稱長樂逆首林正揚已將僞來王陸順德擒獻到營輸誠自首卽日可期蕝事粵東騰出龍長兵力自可速進鎮平西南以相掎角據降人密稟各賊以汪逆兇虐難堪多願納款見王德榜一軍由象洞前進高連陞黃

少春康國器等軍距鎮平縣城均不過二三十里

臣

宗棠本擬俟

高連陞分水坳營壘紮定卽飭其漸次延紮而西以出平遠與劉清亮盤龍岡之師會合遏賊奔衝昨接記名提督正定鎮總兵婁雲慶稟報接江西撫

臣

劉坤一飛函進兵會剿擬八月中旬拔過

長甯從八尺墟出平遠大柘席寶田一軍出平遠東石是鎮平西南平遠一帶亦有重兵與閩粵各軍聲勢皆可聯絡高連陞黃少春康國器等軍卽可由鎮平北路東路東南路併力偪攻免致顧

此失彼

臣

等惟當慎以圖之所有此次剿賊尤爲出力之閩浙補

用總兵趙勇巴圖魯劉端冕請

賞換清字勇號副將馬駿發李大有請

賞加總兵銜參將銜遊擊謝復雲請以參將畱於福建補用并
賞加副將銜藍翎守備劉甫田請以都司畱於福建補用并請
賞換花翎以示鼓勵其餘出力將弁勇丁可否由臣等彙案保奏
出自

天恩理合恭摺馳奏伏乞

皇上聖鑒訓示施行再此摺係

臣

宗棠主稿合併聲明謹 奏

軍機大臣奉

旨另有旨欽此

同治四年九月初六日內閣奉

上諭左宗棠徐宗幹奏官軍分路進剿鎮平踞匪疊獲大勝一摺
髮逆汪海洋伏匿鎮平堅壘固守高連陞黃少春等由北路分水
坳進攻汪逆傾巢分三路來撲官軍奮勇衝擊該逆紛紛敗走左
右兩路之賊復翻山而下將抄官軍之後高連陞分隊迎擊賊不
能支退上山巔李大有等從左路進擊斃賊多名中路之賊漸趨
右路黃少春督隊繼進血戰而前賊眾披靡奪路狂竄汪逆見兩
路之賊俱敗逃回鎮平官軍追殺數里統計斃悍賊三千餘名生
擒百數十名內有僞天將等賊目十餘名其自相蹂藉墮崖落澗
死者不下數千康國器一軍由鎮平東南進攻鏖戰逾時斃賊多

名匪黨翻山遁竄追至石古排賊壘僞天將張祥順等赴營乞降
勦辦均爲得手此次尤爲出力之總兵劉端冕著賞換格洪額巴
圖魯名號副將馬駿發李大有著賞加總兵銜遊擊謝復雲著以
參將畱於福建補用并賞加副將銜守備劉甫田著以都司畱於
福建補用并賞換花翎其餘出力將弁等准左宗棠彙案保奏以
示鼓勵本日復據劉坤一奏江西赴粵會勦各軍疊次獲勝一摺
席寶田一軍由平遠進偪鎮平賊眾五六萬人來犯席寶田麾軍
掩殺十盪十決力戰四時之久殺賊六七千人生擒二三千人棄
械乞降者無數汪逆復率黨七八萬與僞平東王繼至官軍分路
迎勦又斃三四千人內有僞小王宗汪林等賊目十餘名將僞平

東王一股全行擊散前後收降一萬三四千人婁雲慶一軍出平遠之八尺墟聞賊已爲官軍所挫折竄大柘卽率隊馳往邀擊鏖戰數時乘勝追殺二十餘里共斃賊三千餘名生擒八十餘名婁雲慶復由間道追勦該逆且拒且卻官軍槍礮轟擊又斃賊二千餘名生擒一百餘名援勦甚爲得力卽著左宗棠劉坤一飭令江西閩粵各軍乘此聲威埽穴擒渠盡殲醜類陣亡參將許貴元藍翎都司楊興元花翎守備劉得芳藍翎把總張萬明均著交部從優議卹欽此

軍機大臣字寄同治四年九月初六日奉

上諭左宗棠等奏各軍分路進剿克獲大勝見籌辦理情形劉坤一奏馳抵江西任事赴粵會剿各軍疊獲勝仗各一摺本日已明降諭旨將劉端冕等照左宗棠等所請分別獎勵許貴元等照劉坤一所請分別優卹矣汪逆盤踞鎮平疊經官軍剿敗急思覓路逃竄遣黨至分水坳一帶圖由閩邊竄犯江西高連陞黃少春等分路縱擊殺賊甚多汪逆復逃回鎮平席寶田由平遠進扼東石連獲大捷斬馘及招降者甚眾逆眾折竄大柘復經婁雲慶擊敗江閩等軍入粵先後敗賊賊勢已蹙惟汪逆人數尙多難免橫流旁溢之患左宗棠見飭高連陞等由鎮平北路東路東南路進逼